

RESOLUCIÓN REITORAL DO 24 DE MARZO DE 2017 POLA QUE SE CONVOCA UN PRAZO SUPLETORIO PARA A PRESENTACIÓN DE NOVAS PROPOSTAS Á CONVOCATORIA DUNHA LIÑA DE INCENTIVOS, EN RÉXIME DE CONCORRENCIA COMPETITIVA, PARA IMPLANTAR PLANS DE INTERNACIONALIZACIÓN NOS CENTROS DA UNIVERSIDADE DE VIGO A PARTIR DO CURSO 2017/2018 (RR. DE 27 De XULLO DE 2016).

O 27 de xullo de 2016 esta reitoría resolveu convocar unha liña de incentivos, en réxime de concorrencia competitiva, para implantar plans de internacionalización nos centros da Universidade de Vigo para os cursos 2017/2018 a 2019/2020. Dita convocatoria resolveuse mediante resolución reitoral de día 20 de febreiro de 2017, coa publicación da listaxe definitiva de plans de internacionalización aprobados.

Co obxectivo de dar unha nova oportunidade a aqueles centros que, estando en condicións de participar na devandita convocatoria, non puideron facelo no seu momento e así poder ter a oportunidade de ofertar docencia en unha lingua estranxeira, de acordo cos criterios de elaboración da programación docente anual para o curso 2017/18, esta reitoría

RESOLVE:

1. Convocar unha quenda adicional para a presentación de novas propostas á convocatoria de incentivos, en réxime de concorrencia competitiva, para implantar plans de internacionalización nos centros da Universidade de Vigo para os cursos 2017/2018 a 2019/2020 convocada por resolución reitoral de 27 de xullo de 2016.
2. As finalidades, beneficiarios, principios que respectarán os plans de internacionalización, a tramitación do procedemento, a avaliación e selección de propostas, a resolución da convocatoria, e os recursos dispoñibles para implantar os plans de internacionalización seleccionados serán os establecidos en dita resolución reitoral, salvo en aquilo que se indique expresamente doutro xeito na presente resolución.
3. Nesta nova quenda, poderanse presentar unicamente propostas de plans de internacionalización das modalidades A e B, e poderanse presentar unicamente propostas de plans para titulacións que non teñan aprobada una proposta da modalidade A ou B na convocatoria orixinal.
4. Os centros interesados presentarán as súas propostas dirixidas ao vicerreitor de Extensión Universitaria e Relacións Internacionais xunto coa documentación seguinte:
 - i. Proposta do Plan de internacionalización, de acordo coa estrutura recollida no anexo I e os obxectivos da base 2 para

unha das modalidades A ou B, segundo o indicado na RR. de 27 de xullo de 2016. De acordo con ditas bases:

- As propostas de plan tipos A deberán definir a implantación dunha liña completa nunha lingua estranxeira no curso 2019/20.
 - As propostas de plans tipo B deberán definir a implantación dunha oferta estruturada nunha lingua estranxeira de polo menos un cuatrimestre completo no curso 2019/20.
- ii. Relación de materias a impartir nunha lingua estranxeira durante o curso 2017/18, indicando código da materia; nome da materia; créditos; tipo (obrigatoria ou optativa); cuatrimestre de impartición; código do departamento; horas de grupo A, B e C a impartir nunha lingua estranxeira; número de grupos A, B e C a impartir nunha lingua estranxeira, e horas totais a impartir nunha lingua estranxeira. As materias recollidas no plan que aínda non se impartan durante o curso 2017/18 deberán comezar a impartirse nos cursos 2018/19 ou 2019/20.
 - iii. Certificación da aprobación do plan proposto por parte da xunta de centro.
 - iv. Compromiso da dirección do centro para a súa implantación antes da finalización do curso 2019/20 no caso de resultar aprobada a proposta.
 - v. No caso de titulacións que xa contén cun plan tipo C aprobado, documento de renuncia a dito plan no caso de que resulte elixido o plan tipo A ou B presentado nesta convocatoria.
5. O prazo de presentación de propostas remata o venres 7 de abril de 2017 ás 14:00 horas. As propostas remitiranse por correo electrónico a vicext@uvigo.es.
 6. O prazo máximo de resolución do presente procedemento será de dous meses desde a finalización do prazo de presentación das solicitudes. Se transcorrido o devandito prazo non se publicou a resolución, as persoas interesadas poderán entender desestimadas as súas solicitudes.
 7. A comisión de valoración das propostas presentadas nesta nova quenda será a establecida por resolución reitoral de 12 de xaneiro de 2017 para a convocatoria orixinal.

Contra esta resolución, que esgota a vía administrativa, poderase interpoñer un recurso perante a xurisdición contencioso-administrativa, no prazo de dous meses contados dende o día seguinte ao da súa publicación (ou dende o día

seguinte de recibir esta notificación), de conformidade co disposto na Lei 29/1998, do 13 de xullo, reguladora da xurisdición contencioso-administrativa.

As persoas interesadas poderán optar por interpoñer contra esta resolución un recurso de reposición, no prazo dun mes contado a partir do día seguinte ao da súa publicación (ou dende o día seguinte de recibir esta notificación), perante o mesmo órgano que a ditou. Neste caso non se poderá interpoñer un recurso contencioso-administrativo ata que sexa resolto expresamente ou se producise a desestimación presunta do recurso de reposición interposto, segundo o previsto no artigo 123.2 da Lei 39/2015, do 1 de outubro, do procedemento administrativo común das administracións públicas.

Vigo, 24 de marzo de 2017

O reitor

Por delegación RR 7/5/2014

O vicerreitor de Extensión Universitaria e Relacións Internacionais



Manuel J. Fernández Iglesias

Dilixencia para facer constar que esta Resolución se publica nos taboleiros de anuncios dos rexistros da Universidade de Vigo

Vigo, 24 de marzo de 2017

A secretaria do vicerreitor de Extensión Universitaria e Relacións Internacionais

Carmen Luisa Pereira Castro

ANEXO I

ESTRUTURA DAS PROPOSTAS DE PLANS DE INTERNACIONALIZACIÓN

- 1 Datos xerais
 - 1.1 Centro
 - 1.2 Titulación
 - 1.3 Comezo de implantación do plan
 - 1.4 Fin de implantación do plan

 - 2 Mobilidade internacional
 - 2.1 Situación de partida
 - 2.2 Situación obxectivo
 - 2.3 Accións para lograr a situación obxectivo

 - 3 Internacionalización do plan de estudos
 - 3.1 Situación de partida
 - 3.2 Situación obxectivo
 - 3.3 Accións para lograr a situación obxectivo

 - 4 Cadro-resumo de recursos necesarios
 - 4.1 Financiamento por actividades/conceptos
 - 4.2. Financiamento por fontes de financiamento
- Nos apartados 2.1 e 2.2 describirase a situación actual e a situación obxectivo en canto ás cifras de mobilidade de estudantes, PDI e PAS; a estrutura de parceiros internacionais; os estudos elixibles para participar en programas de mobilidade; eventos de promoción organizados etc.

 - Nos apartados 3.1 e 3.2 describirase a situación actual e a situación obxectivo en canto a materias impartidas noutras linguas distintas do castelán e do galego e o profesorado acreditado para impartir materias noutras linguas (modalidades A e B); as titulacións internacionais dobres ou conxuntas implantadas ou que se van implantar; o estudantado participante nas actividades anteriores etc.

 - Nos apartados 2.3 e 3.3 enumeraranse as accións, as datas de execución previstas, os recursos necesarios para a súa implantación e o seu financiamento, e os indicadores de seguimento se procede.

Exemplos de accións no apartado 2.3 serían a identificación de novos socios; a extensión dos estudos recoñecibles en determinados socios; a incorporación a redes internacionais, proxectos ou parzarías de mobilidade internacional; a incorporación a novos programas de mobilidade; a organización de semanas internacionais; a organización de eventos de promoción da mobilidade para o estudiantado local etc.

Exemplos de accións no apartado 2.4 serían a actualización das memorias de verificación; o desdoblamento de grupos para a docencia noutras linguas distintas do galego e do castelán (modalidades A e B); os cursos de idiomas para o PDI/PAS; a incorporación temporal de docentes estranxeiros ao abeiro de programas de intercambio; a actualización das guías docentes etc.

No caso de precisar recursos económicos para algunha acción, indicárase o custo que asume o centro do seu orzamento, e o financiamento esperado de fontes externas (se procede).